

# UUT' T OLDE VODDEN

tNoajoor steet veur de deure  
De zommer is vebiej  
Dat gif vas weer vól gezeure  
Doormet buw niks neet bliej!  
sZommers geet alles vlotter  
Hei in alles ok meer zin,  
De dage wod noe alsmoor kotter  
Veurj twet goaj de winter in!  
Een heite herfs nog misschien?  
Wiej hopt dat akkers en velden  
Nog wat warme zonne zólt zièn,  
Moor n heite herfs kump zelden!

tIs tòch te gaw vebiej egoan  
Dee tied dat uut zommer was,  
Haw dr moor wat meer met  
edoan  
Bedenk ie ast vebiej is pas!  
Ech mooie dage bunt hier betuûn,  
Kuj hoas op oew vingers tellen  
Dr neet van profiteern dan  
beduun  
Daj dr oe later um zólt kwellen!  
Wee zich neet ant weer an-past,  
Ast mooi was druut is egoan  
Gingt as vrógger 'Jut', das vast  
Is veur tlandhek blièven stoan!

Moor al waarnt tan weinug dage  
Doorj graag an trugge denkt  
Iej zeg toch wel met vlage  
Hak dát tòe moor wat velengd!  
Ummers toch hef alken-ene  
Al zal hee drok òver zwiègen  
Wel iets edoan of ezeene  
Woor e noapret van kan kriègen!  
Wor e is neet ut uitgoan,  
kBedoële dan dat moment  
Dat oe tmeeste goed hef edoan  
Al was ie der wel met content!  
Moor meer haj an de veurpret,  
De tied der noa tòe te lèven!  
Ai zo alles in de rieje zet  
De reis, en wat kump door nèven.  
Ut alles uut te prakkezeern  
Zo mooi as ut moor kan,  
Dat deut ummers iederéne geern  
Zee proat tr al heel lange van!

De gewone dagelukse sleur  
Zój dan us mooi deur-brekken,  
Iets intresanters kump door veur  
Um de vingers an af te lekken!

Dee veurpret is ech mooier  
As waj zeet in werklukheid  
Want heel vake is dee dooier  
As daj ut hadden vebeid!  
Had iej de veurpret neet ehad,  
Dat hoppen en ut velangen,  
Dan was ie t vólle eerder zat  
En bleef ter niks van hangen,  
Um zo inens ergus hen te goan  
Met: ie zeet wel waw door zièt,  
Wee dat wel us hef edoan  
Wet daj dan neet ech genièt!  
Dan buj gaw uut ekekken  
Zeej nauwluks waj door zeet,  
Dinge dee lering kónt wekken  
Zeej helemòol dan neet!

Neet allene ai goat wiet vot  
Geldt umt veur uut te bezeen  
Ok al bleef ie kot bie de pot  
Ai n klein uut-stepken deen,  
Al goaj moor us effen riejen  
Met een auto n halve dag  
Dat zeej toch vól disse tiejen,  
Moj door op wèen bedach!

Ie mot altied heb'n een doel  
Wetten woorj hen wilt goan,  
Iej mot zorgen daj de boel  
Altied in de rieje hebt stoan!  
As ie ut uut estippeld hebt  
Gif tat vólle meer plezier  
Doormet hei oe dan al op epept  
En kump as vanzelf ut vetier!

Ok wee wil noa heie of bos  
Um door wat te ontspannen  
Kump van ut te réglen neet los  
Mekt ok van te veurn de plannen!  
Ech, de veurpret heurt ter bij,  
tNemmen van al dee besluiten  
Doorvan wod ie al toomloos bliej  
Door kój gewoon neet buiten!

En wat noew achter de rugge is,  
Waj vant zommer hebt edoan,  
Door moj toch zeker en beslis  
Nog s òver noakaarten goan!  
As Broèn tbie oe trekken kon  
Bunt ter soms plaatjes emaaht  
Woor ie of een ander opston  
Soms wel nklein betjen naakt!  
Want al was de zommer neet bes,

Veurn foto in de zunneshièn  
Is toch wel glègenheid ewes  
Dat kój an de plaatjes wel zièn.  
Och, foto's soms wel heel mooi  
Noodzaakluc bunt dee neet  
Uw waj zag te gròs te hooi  
Nog's uut te metten breed!

kHeb tmet emaaht tòe een keer  
Disse zommer in ons land hier,  
Een Duitse dame en heer  
Zochten hier dan ok wat vetier!  
Noa urn in de auto klitten,  
Want ze kwammen van wiet vot,  
Dee eur achterwerk zéer vant  
zitten  
De stoël was hād as een bot!  
„Zo löpt mis” hef dee vrouw ezeg,  
Ze kon tneet meer vol hollen,  
En tòe hebt ze òver-leg  
Dat ze een kussen kopen zollen.  
De eerste winkel dee z'heb ezeen  
Hebt ze tòe dan an edoan,  
De vrouw zei: „Goat moor alleen  
Ik bliève hier effen stoan.”

Hee is de winkel in egoane,  
Door ston winkeljuffrouw Jans,  
nMeid, mooi as de volle moane  
En zee was ok heel wat mans!  
„Kussen?” zei de Duitse heer  
Dee in onze taal neet rad was,  
„Kussen!” tòe nog us een keer,  
Want Jans vezetten nog gin pas!  
Hee dach: ze is zeker bange dak  
Ter zonder betalen wil' vandeur,  
Trok zn pottefullie uut de zak  
Heel'n gèel breekken eur veur!  
„Kussen?!” vroèg, en zeie weer',  
Dóorveur wast dat Jans zwichtte!  
Ze pakte beet tòe onze heer  
Gaf m npaar smokken opt  
gezichte.

Dèn schrok, wis neet hoè e thad,  
Zet'n beie hande op zien billen  
En haspelde tòe as dat  
Hee kussen DOOR zo willen!  
Deur mien vetaald kraamde hee  
uut:  
„Nièt kussen snuut, kussen veur  
de stuut!”